

 XX Udako Euskal Unibertsitatea

Manex Goihenetxek Iruñeko UEUko ikastaroak zabalduko ditu bihar

Bi astetan zehar hogeitabi gai aztertzeako aukera eskainiko dute

Manex Goihenetxek zabalduko du bihar Iruñean Udako Euskal Unibertsitateak orain dela hogeitabi urte antolatzen dituen ikastaroen bigarren zatia. Baionan egindako lehen fasearen ondoren gai desberdinetako 22 ikastaro eskaintzen dira, goiz eta arratsaldeko saioetan banaturik Nafarroako hiriburuan ondoko bi asteotan.


TXARO SATRUSTEGI / IRUÑEA

Ohi bezala, Udako Euskal Unibertsitateko ikastaroak Baionan izan ziren orain aste bi eta Iruñean jarraituko dute bigarren saioaz.

Baionako ihardunaldiek arrakasta handia izan zuten. Martin Orbek eman zuen sarrera hitzaldia, baita eztabaida sortu ere, euskarazko unibertsitate baten sorrerari buruz aritu bait zen. Eztabaida Iruñeraino ailegatu da.

'Oihenarten irakaskintza eta gaurko Euskal Herria' gaiari buruzko mintzaldiarekin zabalduko du Manex Goihenetxek Iruñeko UEUko ikastaroak. Mintzaldia bihar eguerdiko hamabietan hasiko da, urtero bezala Larraona Ikastegian, Kepa Altonaga UEUko zuzendariak XX ekitaldiaren aurkezpen agurra eta ongi-etorria eman ondoren. Aurten go edizioak uztailaren 20an hasi eta abuztuaren 1a arte iraungo du. Bi aste hauetan 22 ikastaro izanen dira goiz eta arratsaldeetan baita saio osagarriak ere arratsalde eta gauetan.

Manex Goihenetxe Iparraldeko historialariak UEUren sorreran parte hartu zuenari buruz hitzaldia. Aurten Allende Oihenart jaio zenetik laugarren mendeurrena ospatzen dela eta, idazlearen gaia hartu du aitzakia moduan ikastaroen saioa aurkezteko. Euskal literaturaren pertsonaia honen bizitza eta lanari buruz arituko da Goihenetxe. XVI-XVII mendeetako bizimodu eta literaturan apaizak nagusi baziren ere, kortesau elitista honen jokabidea aztertuko du, gaurko Euskal Herriaren egoerarekin parekatuz.



Aurten 22 arlo jorratuko ditu UEUk Iruñeko saioetan.

izeneko mintegia. Orotara eguneko bost orduko ikasketak izango dira, hiru ordu goizean eta beste bi arratsaldean, asteleheneretik hasi eta ostiralera arte iraungo duen saioan. Azkeneko egunean, abuztuaren lehen, batzar modukoa egingen dute, balantze baten antzera, atera diren gaiak eztabaidatzeko.

Hogeitabi ikastaroetatik hamar bi asteoak dira, goiz eta arratsalde, eta beste guztiak astebetekoak, bai lehenengo bai

bigarrena. Antzerkilaritza, musika, soziolinguistika, glotodiktika I eta II, linguistika, natur zientziak, osasuna eta laneko euskara gaietako ikastaroek bi aste irauteko dute. Aste bakarretakoak, berriz, ekonomia, filosofia, historia, kazetaritza, psikologia-pedagogia, pedagogia, zuzenbidea, literatura, fisika, informatika, kimika, matematika eta mintegia dira.

Aztertuko diren gaien artean, Euskal Eskola Publikoa, HIESa,



Manex Goihenetxe mintzatuko da bihar.

Ikastaroek gain, ekitaldi ugari gauzez eta arratsalde

IRUÑEA

Ikastaroetatik aparte, Udako Euskal Unibertsitateak beste ekitaldi batzuk prestatu ditu bi aste hauetarako Larraona ikastegian. Bertso saioak, mintzaldiak, trikitixa, antzerkia, kontzertuak, eta abarreko aise tarteak egonen dira, arratsalde eta gau partean.

Etzi, uztailaren 21ean, 'Esperantoa, mugarik gabeko hizkuntza' gaiari buruzko mintzaldia eskainiko du Iñaki Gaunak, Euskal Herriko Esperanto Elkartearen Lehendakaria. Asteazkenean Miriam Urkia 'Egungo euskararen bilketa sistematikoa' gaiari buruz mintzatuko da eta ostegunean, berriz, 'Formaren sustraiak euskal tradizioan' hitzaldia emango du Juan Gorriti zurgin eta pintoreak. Azkeneko honen hitzaldiaz aparte erakusketak ere izango da, emalearen obrak ikusteko aukera egongo delarik. Datorren astean, HIESari buruzko mahaingurua izango da.

Mintzaldiak arratsaldeko zazpitan izango dira denak, Larraona Ikastegian. Gau partean, berriz, beste osagai batzuk antolatuko dituzte. Etzi, asteartean, Tapia eta Leturia trikitilariak abestuko dute. Asteazkenean bertso jarrien kantaldia izango da, Xabier Amuriza eta Anje Duhalderekin. Eta astea amaitzeko, Koldo Ameztoi ipuin kontalaria arituko da ostegunean, 'Apanize' kondaira eskainiz. Guztiak gaueko hamar t'erdietan izango dira.

Datorren astean antzerkiak hasiko dira gaueko ekitaldiak, Goaz taldeak 'Fernando bizirik hago oraindion' lana taularatuko bait du. Asteartean musika barrokoaren emanaldia izango da, Donostiako Barroko taldearen eskutik. Asteazkenean, hilak 29, Jon Lopategi eta Xabier Amuriza bertsolarien saioa izanen da. Hau ere, aurrekoak bezala, gaueko hamar t'erdietan. Bukatzeko, Bello Portu Korralaren kontzertua prestatu dute, hilaren 30ean.

Pirinioei buruzko monografikoa, 'Adorez eta Atseginez' mintegia, elebitasuna eta elebiduntasuna, publizitatea eta euskara, eta emakumea azpimarra daitezke, besteak alde batera utzi gabe. Antolatzaileek gai nagusiak jorratu nahi izan dituzte. Hau oso zaila bada ere, helburu horri segituz prestatu dute egitarau hau, antolatzaileek esan dutenez.

NATUR ZIENTZIAK, ARRAKASTATSUENA

Natur zientziak gaiari buruzko ikastaroa izan da, alde handiaz, ikastaro arrakastatsuen matrikula kopuruaren aldetik, 71 pertsona apuntatu bait dira gaia aztertzeke. Ikastaro honetan Pirinioei buruzko mintegi monografikoa landuko dute, bertako landare, mineral, orogenia, fauna, nekazalgaia, abeltzantza eta abarreko gaiak ikusiko dituztelarik.

IPARRALDEAN, ZURE SUKALDEA

KIROLAK Scop

SUKALDEAK

Z.I. ALDAY 64500 Donibane Lohizune
Tel.: (07-33) 59 26 39 40 Faxa: (07-33) 59 26 39 40

FAGOR



SUKAL-ALTZARIAK

IVAP

HERRI ARDURALARITZAREN
EUSKAL ERAKUNDEA

Euskal Herriko Autonomi Elkarteak Administrazioak, honako hau behar du:

Kontuhartzailetzako 2 Teknikari.

Eskari-orriak eta bestelako informazioa lortzeko helbideak:

- HAAE Gasteiz. Adriano VI, 20-5.
- HAAE Bilbo. Errekalde zuzendaria, 18-1.
- HAAE Donostia. Iztueta kalea, 7.
- HAAE Oñati. Unibertsitate Zaharra.

Eskariak aurkezteko azken eguna: Uztailaren 24ean, ostirala.

EUSKO JAURLARITZA
GOBIERNO VASCO

HOGEITABI IKASTAROKO PROGRAMA

UEUk antolatutako 22 ikastaroak sei multzotan banaturik daude: artea eta komunikazioa; giza eta gizarte zientziak; hizkuntzalariak; natur zientziak; zientziak eta teknikak; eta 'Euskal Unibertsitateantzerk'.